



G Jaahrd nooh Ludwigshaase.

Ludwigshaase, Ludwigshaase,
Herrgodd, mann ich do dra" denk,
Wie ichs erschde Mol do drowwe,
Arieh ich heid faschd noch die Arent;
Voll geweszt wie hunnerd Arodde,
Middags in de Zug geschdie"
Un dort omwe wach se werre, —
So wasß war dann doch nedd hie.

's kennen jetzd so Johre sechse,
Meinedweh aah siwwe sei",
Ich will grad — 's war Mondags Morjens —
In e Eiselaare rei";
War noch in de Werkschdaddschlabbe,
Umgebunn de blooe Schorz,
In de Hand vum Hornweleise
Noch de abgebroche Schdorz.

Grad, wie ich vor's Beckings Laare
Im Begriff war, reiⁿ se geh',
Kummd meiⁿ alder Freind, de Guschdel
Vun Rodseelberg mer entgeh';
„Naⁿ, wo machschd dann du heit anne?“
„Ich geh nooh Amerika!“
„Bischd doch noch de alde Schoode,
Mach käⁿ Schduß!“ „Wann ich der's sa'!“

Naⁿ, dann miss'n mer awer ähns drinke,
's kennd vielleicht de ledschde seiⁿ;
Wafß leihd mer an Schorz un Schlabbe,
Nix wie in die „Bachschdubb“ reiⁿ.
Wafß dann weirer gebb hadd, wääß ich
Nimm i so genau, nor deß,
Dafß ich, wie ich Morjens wach worr,
Hann ich im e Bedd geseß.

Wie ich wach worr bin, do hann ich
Mol die Aue mer geribb;
Bin ich's dann noch orrer hadd wer
Nor seiⁿ Schbaß midd mer gedribb;
Hoch die Deck un Schbiggelfenschder,
Deß kann doch meiⁿ Schdubb nedd seiⁿ.

Doch vorm Bedd sieh ich mei" Schlabbe
Un mei" blooer Schorz noch leih'.

Wie ich noch so sitz un lauschder'
Gehr ich uffm Gang waß drauß
Hie" un her vorimer renne,
Ich net faul un nix wie naus;
Wie die Dehr ich uffmach, rennd grad
So e Kellerfrack vorbei,
Froohd mich, ob ich ebbes winsche.
Ja sah ich, geh mol rei".

Sahnse mer um Goddeswille
Wo ich eigendlich dann bin?
„Sie? Wo werren Sie dann annerschd
Als in Ludwigshaase sinn."
„Freindche, gell Sie sinn meschugge,
Deß soll Ludwigshaase sei"?
Wie känd ich midd meine Schlabbe,
Un meim blooe Schorz do rei"?"

Un wanns ganz so weer, wo isß dann
Der, wo bei mer war, der Herr?"
„Der, der isß schun middem erschde
Zug heit morje wirrer perr

Wie er fort iß gang, bezahld er
Noch es Nachtquardier for Sie
Un hadd noch gesaahd, mer soll Se
Wecke erschd heit morje frieh."

Er dhud noch die Achsle zucke,
Kennd dann fort un loßt mich schdeh;
Ich dhu mol durchs Fenschder gucke,
Jesses Godd iß des e Heh;
Un aah wisawi die Heiser
Drei, vier Schdockwerk sinns gewiß,
Na" jekt glaw ich selbschd allmählig,
Dafß deß Ludwigshaase iß.

Dusma" schlubb ich in mei" Schlabbe,
Hann de Schorz noch umgebunn,
Bin zum Haus enaus, als ob ich
Gradwegs vun de Arwet kumm;
Wie ich glücklich dann am Bahnhof
Schdeh, mähn ich, mich dreffd de Schlagg,
Wie ich iweraal aah fissel,
Hann kä" Penning Geld im Sack.

Dreff zum Glick ich noch e Schaffner,
Der mich noch vun Laudre kennd,

Dem verzehl ich meiⁿ Bradullje,
Ob er mer net helfe kennd?
Der dhut e Billed mer leese,
Hadd mich in de Zuug gesezt,
Un so fahr ich hald nooh Lautre,
Wie mit alle Hund gehezd.

's war so morjens, 'n Ure else,
Wie nooh Lautre ich bin kumm;
Drick mich, daß mich känns soll siehe,
Durch die Sinnergäßjer rum;
's is mer aah geglickt so ziemlich,
Bis in unser Noohberschaft,
Do nadierlich guckt e jeres
Aussem Fenschder jekt un gaffd

Un die Sinner erschd, meiⁿ eijne,
Heilen mer ehr Grufz entgeh,
Wie e ganzi Heerd Indianer,
Wann se uffem Kriegspaad geh;
Sodaß selbschd meiⁿ Fraa verschdawwerd
Middem Beesemischdiel is kumm,
„Wollen ehr die Meiler halle —“
Weider isse nimmi kumm.

„Godd sei“ Dank“, wold se scheinds sahe,
Wie se mich so vor sich siehd,
Doch wie ich so frisch un munder,
Godd se erschd e Kooches krieht;
„Na“, Du Lumb, do bishd jo wirrer“
Des war alles was se redd.
Das ich Howeleise kaase
Wold, glaabt se mer heid noch nedd.

